

**QEQQATA EQQARTUUSSISOQARFIANI
EQQARTUUSSUTIP
ALLASSIMAFFIATA ASSILINEQARNERA**

**UDSKRIFT AF DOMBOGEN
FOR
QEQQATA RETSKREDS**

Ulloq 7. september 2017 Qeqqata Eqqartuussisoqarfiani suliami

Sul .nr. QEQ-SIS-KS 0197-2017

Unnerluussisussaataasut
illuatungeralugu

U

Cpr.nr. [...]

maannakkut. Anstalten ved

Herstedsvester

2620 Albertslund

Unnerluussisussaataasut journaliata nr. 5508-97431-00158-12.

Oqaatigineqarpoq imaattoq

AALAJANGIINEQ :

Suliaq suliarineqarpoq eqqartuussisooqataasartut peqatigalugit.

Unnerluussut

Eqqartuunneqartoq Qeqqata Eqqartuussisoqarfiata eqqartuussutaani ulloq 21. marts 2013 / 3. april 2013 eqqartuunneqarpoq tarnimikkut nappaatilinnut qallunaat napparsimmavissuani ingerlanneqartumi katsorsagassanngortinneqarluni. Glostrupip eqqartuussisoqarfiani ulloq 25. februar 2015 eqqartuunneqarpoq pineqaatissiissutip Qeqqata Eqqartuussisoqarfianit eqqartuussutigineqartup ulloq 21. marts 2013 atuutitiinnarneqassasoq. Qeqqata Eqqartuussisoqarfiata aalajangerpaa ulloq 14. april 2016 eqqartuussut 21. marts 2013-meersoq atuutitiinnarneqassasoq.

Piumasaqaatit

Unnerluussisussaataasunit piumasaqaatigineqarpoq pineqaatissiissut
allannguutitaqanngitsumik atuuttussanngortinneqassasoq.

Illersuisoq piumasqaateqarpoq misiligutaasumik iperagaagallarnissaanik.

Uppernarsaasiineq

Nassuiaatit

Suliaq suliarineqartillugu U nassuiaateqarpoq.

Nassuiaatigineqartut eqqartuussisut suliaasa allassimaffianni issuarneqarput 7. september 2017-imeersumi.

Uppernarsaasiineq

-Qeqqata Eqqartuussisoqarfiata eqqartuussutaa 21. marts 2013-meersoq aamma Qeqqata Eqqartuussisoqarfiata iluarsiiissutitut aalajangigaa 3. april 2013-meersoq.

”Taamaattumik eqqortuutinneqarpoq

Sisimiut eqqartuussiviata ulloq 29. juni 2011 unnerluutigineqartoq eqqartuunneqarpoq unioqquutitsinernut § 37 – nakuuserneq, aamma § 37 pisortat oqartussaataannut nakuuserneq eqqartuunneqarluni qaammatini qulini pineqaatissinneqarsimasunut inissiisarfimmiittussanngortinneqarluni – ataatsimoortitsissutigineqarluni eqqartuussut 26. oktober 2010-meersoq.

Kalaallit Nunaanni Pinerluttunik Isumaginnittoqarfiup aalajangiisartuinit unnerluutigineqartoq aalajangersaaffigineqarpoq ulloq 20. november 2011 misigutaasumik iperagaalluni ukiunik marlunnik misiligaaffilikkamik naammassisassaliiffiusumik. Pineqaatinneqarsimasunut inissiisarfimmiiffissat ullut sinneruttut 101-iullutik.

Eqqartuussummi siuliani oqaatigineqartumi maannakkullu unnerluussummi inatsisunik unioqquutitsinerit tunngavigalugit X1 eqqartuunneqarpoq pinerluttulerineri inatsimmi § 150, imm. 1 naapertorlugu:

Aalajangersimasumik sivissusiligaanngitsmik tarnimikkut nappaatilinnut napparsimmavissuarmi Danmarkimi pinerluttunik Isumaginnittoqarfimmit aqunneqartumi inissinneqassasoq, tak. pinerluttulerineri inatsimmi § 161, imm. 2.”

Sjællandimi Pinerluttunik Isumaginnittoqarfiup allakkiaani 23. januar 2017-imeersumi ersinneqarpoq, taanna atsiorneqarsimavoq X2, [...] aamma X3, [...] imalu allassimavoq:

”Pineqartog U, (siusinnerusukkut X1), cpr.nr. [...], maannakkut herstedvesterip parnaarussivia.

Kalaallit Nunaanni Politimestereqarfiup allakkatigut 5. december 2016-mik ullulikkani noqqaassutigivaa qulaani pineqartog pillugu oqaaseqaasiortoqassasoq suliamut U-p pineqaatissinneqarnerata allangortinneqarnissaanut suliamut atugassamik. U Sisimiut eqqartuussiviannit ulloq 21. marts 2013 aalajangersimasumik sivirususiligaanngitsumik tarnimikkut nappaatillit napparsimmavissuanni Danmarkimi pinerluttunik isumaginnittoqarfiup ataani paaqqutarisassanngortinneqarpoq. U ulloq 15. marts 2012-imiilli kiffaanngissusiagaaqqavoq 12. april 2013-imiilli Herstedvesterip parnaarussivianiitinneqarluni. Kingullermik Herstedvesterip parnaarussivia oqaaseqaasiortoq ulloq 25. november 2015, taamaniimiillu U-p atugarisai pillugit oqaatigineqarsinnaavoq:

U suli immikkoortortaqarfimmi K-miippoq. Piffissap ilaani ajornartorsiutigisarpai immikkoortortaqarfimmi parnaarussaaqatini suliffimminilu aamma taamatut. Tatineqartutut siorasaarneqartutullu misigisimasarpoq. U qallunaat oqaasiinik ajornartorsiuteqarpoq taamaattumik ajornanngitsumik pisoqartarluni nammineq paatsuineratigut imaluunniit paatsoorneqartarluni. U-p pissutimigut allangorartuunini pissusilersuutini pitsaannerusumik aqussinnaanngornikuuvai sulisunut aamma parnaarussanut. Sulisunik oqaloqateqarusuttarpoq, kisiannili oqaatsinik ajornartorsiuteqarnera illuatungeriinniit nikallujuinniarnartuulluni. U sulisunut saaffiginnikulasuuvoq, taamaalioraangamilu pissuserillunilu inussiarnersuusarluni. U immikkoortortaqarfimmi K-mi ataatsimut nerrinnernut ilaasarpoq. Pisuttartuarnerni sammisassaqaartitsinernilu peqataagajuttarpoq, tassunga ilanngullugu kalaallini erinarsoqatigiinni. Immikkoortortaqarfimmi inunnut qanittuuvoq isersimaartarfimmiikkajuttarlunilu. U atuakkanik ungalulersuisarfimmi sulisarpoq, kisiannili P2-p sannavianut septemberimi nuuppoq parnaarussaaqatiminik aaqqiagiinngissuteqarnera pissutaalluni. U napparsimaffippassuaqarpoq timimigut aamma tarnimigut. U hashimik atupiluttuunikuuvoq aamma piffissami kingulliunerusumi nakorsaatinut allagartalogassanut, maannakkulli oqaatigivaa atupiluttuujunnaarsimalluni. U-p 2016-ip upernavaani Frederiksberg Centerimi atupilunnermut katsorsartinnini unitsiinnarnikuuvaa. Quuminillu akulimmik tunniussinikuullunilu april, juni, august, september aamma december 2016-imi.

U aalajangersimasumik pisartumik psykologimik oqaloqateqartarpoq. Malugineqartarpoq ammaffigigaa suleqataaffigerusullugulu atupilunngiffimmini, atupiluffimminili suleqatiginiarnera ajornakusoornersuusarluni. U atupilunngiffimmini eqqarsaatersuuteqartarpoq inuunerminik aamma piffaammik atuinerninik. U-p kingullermik oqaloqatigineqarami oqaatigivaa februar 2017-mi katilerluni. U ukiup kingulliup ingerlanerani malittarisassanik arfinileriarluni uioqqutitsinernut suliassartaqarpoq, hashitorsimaneq, quijumannginneq

aammalu atuipilunnermut atortunik tigumiaqarneq kiisalu suliassaqaartussaaitaanerminik sumiginnaaneq. Sivisuumik ataatsimeeqatigiinnermi ulloq 29. november 2016 Herstedvesterip parnaarussivianit, Pinerluttunik Isumaginnittoqarfiup pisortaqarfianit aamma Kalaallit nunaanni Pinerluttunik Isumaginnittoqarfiup direktørianit akuerisaavoq Kalaallit nunaanniit tikeraartoqarnissaminut kiisalu akuerisaalluni ataatsimoorluni bussumik angalaarnissamut 2017-mi Kalaallit Nunaanniit tikeraartoqarneranut atatillugu. Piumasaqaataalluni U-p pillaammik atuinera ajornartorsiutitaqanngitsumik ingerlasinnaappat, taava ”upernaakkut ataatsimoorluni ataatsimiinnissami” eqqartorneqassaaq suli ataasiarluni ingerlaqateqartinneqarluni aneersinnaasoq ilaqtutaminik tikeraartoqarnissaani arnaata tikeraarnissaanut atatillugu.

Pineqaatissiissutip allanngortinneqarnissaanut apeqqut immikkoortortaqaarfimmi sulisut akornanni ataatsimiinnermi eqqartorneqarsimavoq ulloq 19. januar 2017, isumaqatigiissutigiiissutigineqarporlu maannakkuugallartoq innersuussutigineqarneqarsinnaanngitsoq pineqaatissiissutip eqqartuussutigineqartup allanngortinneqarnissaa. Pingaartinneqarpoq U-p pillaammik atuinera atuipilunnertaqartoq, taamaattumillu suli aneertarnissaa aallartissimanani.

U Herstedvesterip innersuussutaanik ulloq 20. januar 2017 tusaniaaffigineqarpoq. Kissaatigivaalu ilanngunneqassasoq siunissaq eqqarsaatigalugu Danmarkimi aniartuaartinneqarnissamik.”

Eqqartuussisut tunngavilersuutaat inerniliinerallu

Eqqartuussisut maluginiarpaat, Herstedvesterimit oqaaseqaat kingulleq 23. Januar 2017-imeersumi aamma U-p nammineq nassuiaatai, tassalu U suli parnaarussivimmiit aneertalersimannngitsoq.

Pineqaatissiissut allanngortinneqassappat piumasaqaataavoq parnaarussap misilissimassagaa aneerneq tassani siunertarineqarluni parnaarussivimmiit aniartuaartinneqalernissaaq Kalaallit Nunaanni Pinerluttunik Isumaginnittoqarfiup aqutsisuunit akuerisaq, tak. Pinerluttulerinermi inatsimmi § 241, imm. 3 aamma 4.

Eqqartuussisoqarfik pigisaqanngimmat oqaaseqaatinik pineqaatissiissutip allanngortinneqarnissaanut atorneqarsinnaasumik aalajangiineq ataani oqaatigineqartoq naapertuuttutut isigineqarpoq.

TAAMAATTUMIK AALAJANGERNEQARPOQ :

Qeqqata eqqartuussisoqarfiata eqqartuussutaa 21. Marts 2013-meersumi aamma iluarsissut 3. April 2013-meersumi pineqaatissiissutigalugu eqqartuussut atutiinnarneqarpoq.

Suliami aningaasartuutit naalagaaffiup karsianit akilerneqassapput.

[...]